



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reverendi Dom. D.|| Leonardi || Rvbeni SS. Theolo-||giae
Licentiati Abbatis || Ordinis D. Benedicti Mo-||nasterij
Sanctorum Apostolorum Petri & || Pauli Abdinckouensis,
in ciuitate || ...**

Ruben, Leonhard

Padibornae, 600 [i.e. 1600]

VD16 R 3400

Cap. XIX. Falsos prophetas maculosos esse, maledicos, mendaces,
miraculoru[m] falsoru[m] patratores, murmuratores, querulosos, operarios
malos, &c.

[urn:nbn:de:bvb:12-bsb10194563-1](https://nbn-resolving.org/urn:nbn:de:bvb:12-bsb10194563-1)

FALSOS PROPHETAS
maculosos esse, maledicos, mē-
daces, miraculorum falsorum
patratores, murmuratores,
querulosos, operarios
malos & sub-
dolos.

VRGET typographus breuitatem,
vt ad proximas nundinas quadrage-
simales typis hoc opusculum subiectum
habeat: solito ergo breuior futurus ad
commodius tempus. Primò itaq; macu-
losos futuros D. Iudas docet vers. 12. *Hi,*
inquit, sunt in epulis suis macula, conuiuan-
tes sine timore, arbores autumnales, infructuo-
sa, bis mortuae, &c. Immittunt Iob 18. 8. *in*
rete pedes suos, & in maculis eius ambulant,
Vt enim apud nos Christus Dominus est
agnus ille paschalis sine macula, Exod. 12. 5.
Candor lucis aeterna, & speculum sine macula,
Sapient. 7. 26. ita & tota Ecclesia Christi,
quoad potissima eius membra. Hinc id
Cantic. 4. 7. *Tota pulchra es amica mea, &*
macula non est in te. Et Ephes. 5. 25. *Viri di-*
ligite

Maculo-
si sunt fal-
si ppheta

In Eccle-
sia nulla
macula.

ligite uxores vestras, sicut & Christus dilexit
 Ecclesiam, & tradidit seipsum pro ea: ut illam
 sanctificaret, mundans eam lauacro aquae in
 verbo vitae, ut exhiberet ipse sibi gloriosam Ec-
 clesiam, non habentem maculam aut rugam,
 aut aliquid huiusmodi, sed ut sit sancta & im-
 maculata. Sic interroganti Dauidi quinam
 inhabitatores sint Ecclesiae aut tabernacu-
 li Dei, & requieturi in monte sancto eius,
 psal. 14. 1. respondit Dominus. *Qui ingredi-
 tur sine macula, & operatur iustitiam. Qui lo-
 quitur veritatem in corde suo, qui non egit do-
 lum in lingua sua.* Talis apud nos Iob 31. 7.
 Si, inquit, *declinavit gressus meus de via, & si
 secutus est oculus meus cor meum, & si in ma-
 nibus meis adhaesit macula, seram & alius cō-
 edat, & progenies mea eradicetur,* alludens
 ad id psal. 23. 3. *Quis ascendet in montem Do-
 mini, aut quis stabit in loco sancto eius? Inno-
 cens manibus & mundo corde, &c.* Talis no-
 ster Eleazarus, qui compulsus edere car-
 nem suillam (id quod lege veteri cautum
 erat) vel saltem fingere se comedisse, no-
 lens inurere sibi hanc maculā, potius mor-
 tem oppetere contendit. *Non enim, ut est
 2. Mach. 6. 24. nostra etate dignū est, inquit,
 fingere: ut multi adolescentes arbitantes E-
 leazarum nonaginta annorum transiisse ad*

*Eleazarum
 ri constā-
 tia.*

X

vitarā

vitam alienigenarum: & ipsi propter meam
 simulationem, & propter modicum vite tem-
 pus decipiantur, & per hoc maculam, atq;
 execrationem mee senectuti conquiram. Tales
 multi diuites in nostra Ecclesia, de quibus
 Sapiens Eccles. 31. 8. *Beatus, inquit, diues,
 qui inuētus est sine macula: & qui post aurum
 non abiit, nec sperauit in pecunia & thesauris.
 Quis est hic, & laudabimus eum? fecit enim
 mirabilia in vita sua. Beati enim, psal. 118. 1.
 immaculati in via, qui ambulant in lege Do-
 mini.* Tales apud nos potissimi præcipua-
 rum religionum Patriarchæ, vt D. Benedic-
 ctus, D. Bruno. D. Franciscus, Domini-
 cus. Quid de Augustino dicam? Attende
 ad id Eccles. 33. 24. *Ne dederis maculam in
 gloriam tuam. In die consummationis dierum
 vite tue, & in tempore exitus tui distribue ha-
 reditatem tuam.* Tales in nostra Ecclesia
 virgines, qui empti sunt de terra, quorum
 numerus Apoc. 14. 3. centum quadraginta
 quatuor millia. *Hi sunt, inquit ibidem, qui
 cum mulieribus non sunt coinquinati. Virgines
 enim sunt. Hi sequuntur agnū quocunq; ierit.
 Hi empti sunt ex hominibus primitiæ Deo &
 agno: & in ore eorum non est inuentum men-
 dacium, sine macula enim sunt ante thronum
 Dei.* Apud nos siquidem Christus fru-
 mentum

mentum electorum germinans virgines,
 Zach. 9. 17. sic vice versa, si caput, si & Sy-
 nagogam falsorum prophetarum nostri
 temporis spectes, vbi Eleazaros inuenies,
 qui ne maculam ætati & generi suo inu-
 rant, certis diebus à carnibus se contineât?
 cum firma etiam stet in nouo testamento
 D. Pauli sententia 1. Cor. 6. 13. *Si esca scanda-
 lizauerit fratrem meum, non manducabo
 carnes in eternū, ne fratrē meū scādalizem.*
 Vbi Iobos illos castissimos, vbi tot sacra-
 rum Virginum myriadas? nisi perfugas
 illas recenseas Moniales, de quibus supe-
 rius actum est. Volue & reuolue Christia-
 ne lector omniū macularū in sacris literis
 genera, vide si aliqua sit, quæ huic nō adhe-
 rescat, ac primò maculosus 12. Patriarcha-
 rū Ruben, de quo Patriarcha Iacob in suis
 vaticinijs Gen. 49. 3. *Ruben, inquit, primo-
 genitus meus, tu fortitudo mea, & principium
 doloris mei: prior in donis, maior in imperio.
 Effusus es sicut aqua, nō crescas, quia ascendisti
 cubile patris tui, & maculasti stratū eius. Nū-
 quid hoc quotidie fit apud certos Anabap-
 tistas, vbi in tenebris, eia in luce promiscue
 errant, à matribus verò mox vt pepererint,
 auelluntur infantes, dantur certis nutricibus
 educandi, ita vt nunq̄ resciant vel parētes,*

X a

quibus

*Macula-
 rū 10. ge-
 nera quo-
 modo cō-
 ueniant
 falsis pro-
 phetis.*

*1. qui se-
 quuntur
 Ruben.*

*Anaba-
 ptistarū
 macula-*

quibuscum tum cum adoleuerint, canino more congregitur, idq; maximè in Morauia, vt ab ijs, qui in illorum numero aliquando fuerunt, auribus meis accepi.

2. qui
scortatio-
nibus va-
cant.

Secundò maculam incurrunt, qui scortationibus vacant, vt filios Israel fecisse ex Num. 25. statim sub initium constat, cum morabantur in Setim fornicantes cum filiabus Moab, comederunt cum illis, & adorauerunt Deos earum, & initiati sunt Beelphegor. Ad quod scelus alludens Iosue capit. 22. 17. *An parum vobis est, inquit, quòd peccatis in Beelphegor, & usq; in presentem diem macula huius sceleris in vobis permanet, multiq; de populo corruerunt?* Quàm vani sint in hoc genere, diximus capite 17. qui plura velit, legat exquisitissimã illam Lutheri anatomia Reuerendí & Nobilissimi D. Ioannis Pistorij. Huic enim vt medico conueniebat anatomia illorum & singulorum membrorum incisionem spectandam proponere: vt iurisperito singularum partium corporis qualitatem pro cuiusq; merito discutere & diiudicare, & quia spiritualis hæc est anatomia, vt sacrosanctæ Theologiæ Doctõri, de ea Theologicè concludere. Huius ergo anatomix pars & primus Spiritus si legatur, facilè intelliget

telliget lector quã nihil à verò discrepent.

Tertiò huc spectant qui semen suum profanãt, sic enim de Salomone scribit Eccl. 3. qui semen suum profanãt
 clesiasticus cap. 47. 22. *Potestatem, inquit, habuisti in corpore tuo, dedisti maculam in gloria tua, & profanasti semen tuum, inducere iracundiam ad liberos tuos, & in ceteris stultitiam tuam ut faceres imperium bipartitum.* Sacrum in primordio erat semen Lutheri, utpote Deo dicatum, sacrum eodem nomine semẽ Catharinæ de Bore, utpote velatæ & Deo consecratæ virginis. At vbi ille apostata factus, hæc verò è Monasterio sacrarum virginum transfuga facta, postposita gloria & aureola virginitatis pollutum vtriusq; semen, inducta maledictio in liberos, ac tandem in posteros. Sed in ipso Luthero factum est eius imperiũ plus quam bipartitum, cum tempore Ioannis Cochlæi, iam septiceps fuerat Lutherus. Quid putas in posteris contigisse?

Quartò non minima macula est prætergredi diuina mandata: hinc diximus ex psalmo 118. 1. *Beatos esse immaculatos, qui ambulant in lege Domini, qui scrutantur testimonia eius, & in toto corde exquirunt eum.* D. enim Paulus exigit à Timotheo, ut mandata Dei sine macula seruet. Hinc 1. Tim. 6

X 3

13. Præ-

13. *Præcipio tibi coram Deo, qui viuificat omnia in Christo Iesu (est enim Prou. 10. 17. via vitæ custodienti disciplinam) qui testimonium reddidit sub Pontio Pilato, bonam confessionem, ut serues mandatum sine macula, irreprehensibile usque in aduentum Domini nostri Iesu Christi. Conscientia pseudoprophetarum qualis sit capite quarto diximus; Mandata alioqui Dei possibilis, capite septimo, pseudoprophetæ neque seruant neq; seruari posse docent, ergo neq; sine macula, neq; irreprehensibiles sunt: sed de his dici potest, quod de Ierusalem Dominus apud Ieremiã cap. 2. 21. ait. Ego plantaui te vineam electam, omne semen verum. Quomodo ergo conuersa es mihi in prauum vinea aliena? Si laueris te nitro, & multiplicaueris tibi herbam Borith: maculata es in iniquitate tua coram me, dicit Dominus Deus.*

Quintò maculatur manus eorū sanguine & homicidio, hinc fit vt Deus eorū orationem minimè exaudiat. Hinc 4. Esd. 1. 25. Quoniam me dereliquistis, & ego vos derelinquam. Petentibus vobis a me misericordiam, non miserebor. Quando inuocabitis me, ego non exaudiam vos. Maculastis enim manus vestras sanguine, & pedes vestri impigri sunt ad committenda homicidia. Hanc maculã

*Manus
eorū san-
guine &
homici-
dio.*

culā apud nostri temporis falsos prophe-
 tas in vfu fuisse, satis patet ex cap. 5. & 15. vbi
 de eorum crudelitate, tyrannide, & homi-
 cidijis satis superq; egimus, vbi etiā princi-
 pū manus vult lauari Pontificū & Cardina-
 liū sanguine Lutherus. Vide cap. 20. & 21.
 Hinc consequenter sextò maculatur terra
 eorū, innocentū cruore. *Ne polluatis, inquit*
Moyfes, terrā habitationis vestre, quæ in son-
tiū cruore maculatur: nec aliter expiari potest,
nisi per eius sanguinē, qui alterius sanguinē fu-
derit, sicut dicit Leu. c. 24. 19. Qui irrogave-
rit maculam cuius civium suorum: sicut fe-
cit, sic fiet ei.

6. terra
 innocen-
 tum cruo-
 re.

7. Men-
 dacijs.

Septimò maculantur mendacijs, estq; id
 potissimū illorū studium, vt cum veritate
 nihil agere possint, solis mendacijs agant
 omnia. Quibus armis Satan statim sub ini-
 tiū creationis primos parētes, vicit, in Deo
 ponens quasi maculā mendacij & inuidiæ:
 vt enim Dominus Gen. 2. 16. dixerat. *Ex*
omni ligno Paradisi comede: de ligno autē sciē-
tiae boni & mali ne comedas. In quocunq; eni-
die comederis ex eo, morte morieris. Dēmon
 non ferens diuinę maiestatis imperiū, neq;
 primorū parentum innocentia: mox mis-
 cens zizania tritico, & fermentum menda-
 cij azymo sinceritatis & veritatis, cap. 3. 4.

X + Nequa-

Nequaquam, inquit, moriemini. Scit enim Deus, quod in quocumq; die comederitis ex eo, aperientur oculi vestri, & eritis sicut Discipuli scientes bonum & malum. Hunc imitantur pseudoprophetae, mentientes de sanctis & electis Domini: loquitur enim in ore omnium falsorum prophetarum spiritus nequam, ut diximus superius capite 2. Ac proinde non mirum, si de sanctis & electis Dei mentiatur, ut enim intus sunt praefetore putridi: ita ut scarabaei sordibus aliorum & foetoribus accrescunt. Hinc Eccles. II. 32. Sicut eructant praecordia foetentium, & sicut perdix inducitur in caueam, & ut caprea in laqueum; sic & cor superborum, & sicut prospector videns casum proximi sui. Bona enim in mala conuertens insidiatur & in electis imponet maculam. Foetida certe sunt praecordia hereticorum, quorum inquinata est mens & conscientia, ut cap. 4. ostendimus. Perdices sunt haeretici, dum partum alienum fouent, hoc est, dum eos quos Ecclesia peperit, ad se falsis vaticinijs pertrahunt. Perdix, inquit Ieremias capit. 17. II. fouit quae non peperit: fecit diuitias, & non in iudicio: in dimidio dierum suorum derelinquet eas, & in nouissimo suo erit insipiens. De quibus perdicibus postea capite 24. plura.

Caprea

*Perdices
heretici.*

Caprea inquietum est animal, nunc huc
 mox aliò saltum dirigit. Inconstantia he-
 reticorum in dictis & factis ostendimus, *Caprea*
 cum de eorum apostasia egimus. Hi ergò *heretici*
 ponunt maculam in electis Dei, vti olim
 vndecim patriarchæ, & procax illa Phuti-
 pharis vxor cum suis affeclis imposuit iu-
 sto Iosepho, ad quod alludens Salomon
 Sap. 10. 13. vbi de laudibus sapientiæ agens:
Hæc, inquit, venditum iustum, scilicet Io-
seph Genes. 37. 26. non dereliquit, sed à pec-
catoribus liberavit eum; descenditq; cum illo
in foveam, & in vinculis non dereliquit il-
lum, donec afferet illi sceptrum regni, & potens-
tiam aduersus eos, qui eum deprimebant: &
mendaces ostendit qui maculauerunt illum.

Octauò maculam contrahunt, eò quòd *s. Ex ini-*
 passim ex iniquo offerunt, vnde enim of- *quo offe-*
 ferant ex suo non habent, maximè cum a- *runt.*
 lioquin eorum principes sint vt plurimum
 pfugi religiosi seu pseudomonachi: mox
 tamen vt cathedram aliquam conscende-
 rint, sunt comptuli & ornati, viuunt ex bo-
 nis Ecclesiæ, Ecclesiarum & Monasterio-
 rum direptionibus; vt tamen aliqua face-
 re videantur, ex aliqua bonorum parte ali-
 qua hospitalia & scolas heresum seminaria
 erigunt, sed verù manet illud Eccl. 34. 21.

X 5

Immo

Immolantis ex iniquo oblatio est maculata.
 Dona iniquorum non probat altissimus, nec re-
 spicit in oblationes iniquorum: nec in multi-
 tudine sacrificiorum eorū propitiabitur peccatis.
 Qui offert sacrificium ex substantia pauperum,
 quasi qui victimat filium in conspectu Patris.
 Victime enim, ut est Prou. 15. 8. impiorum
 abominabiles Domino vota iustorū placabilia.
 Ex votis siquidem maiorum nostrorum
 & iustissimorum parentum, quæ piè san-
 cteq; fundata fuere, per fas nefasq; impro-
 borum istorum helluonum consilijs, aliò
 quàm vota & intentio ferat fundatorum,
 bona Ecclesie distrahuntur: sed quàm in-
 feliciter id illorum posteritas luat in con-
 fesso est. Bonis enim Ecclesie iam multis
 in locis direptis, & ab eis consumptis, nihil
 est reliquum. Prædis ergò & rapinis alio-
 rum inhiunt, ut gradum suum tueantur
 necesse est. Si ergò, Ieremiæ 2. 22. laueris te-
 nitro, & multiplicaueris tibi herbam borith,
 maculata es in iniquitate tua coram me, dicit
 Dominus Deus.

9. carnē
 & carna-
 lem tuni-
 cam ma-
 culant.

Nonò carnem suam maculant & car-
 nale tunicam, vnde D. Iudas in sua epi-
 stola v. 8. Similiter, inquit, & hi carnem qui-
 dem maculant, dominationem autè spernunt,
 maiestatem autem blasphemant: idq; ut car-
 ucamus

ueamus, idem submonet ibidem vers. 22.
 Et hos quidem, inquit, arguite indicatos: il-
 los vero saluate de igne rapientes. Alijs autem
 miseremini in timore: odientes ~~et eam~~ ^{et eam} que car-
 nalis est, maculatam tunicam. De quibus
 maculis latius cap. 17. & 18. egimus.

Decimò linguam habent maculatam, ^{10. lingua} ~~maculat~~
 quæ totum corpus inficit, vt D. Iacobus, ^{maculat}
 Iacob. 3. 6. testis est. *Lingua, inquit, ignis est,*
uniuersitas iniquitatis. Lingua constituitur
in membris nostris, quæ maculat totum corpus,
& inflamat rotam natiuitatis nostræ inflam-
mata à gehenna. A Gehenna enim prodijt
 in lingua Lutheri mediante Satana omnis
 blasphemia & impudicitia cum omni mē-
 dacio vt patet ex præcedentibus.

Alterum in hoc capite est, quod men-
 dacijs agant, vt etiam obiter attigimus ca- ^{Menda-}
 pite 10. Hinc Isai. 9. 15. *Longæuus & hono-* ^{cij agunt}
rabilis, ipse est caput: & propheta docens
mendacium, ipse est cauda. Et erunt qui bea-
rificant populū istū seducētes, & qui beatificā-
tur, præcipitati. Dixistis enim, inquit Isaias c.
28. 15. Posuimus mendacium spem nostram &
mēdacio proteēti sumus. Non misit eos, ait Do-
minus Ier. 27. 15. & ipsi prophetant in nomine
meo mēdaciter, vt eyciant vos, & pereatis tam
uos, quam propheta, qui vaticinantur vobis.

Vide

Vide eundem Ieremiam cap. 6. 4. & 8. 10. 11. & 14. 13. 14. 15. 16. 17. 18. & 23. 14. & 27. 9. 10. Quorum mēdacia & pēnam subiungens apud Ezechielem cap. 13. 3. Hac, inquit, dicit Dominus. *Vae Prophetis insipientibus: qui sequuntur spiritum suum, & nihil vident. Quasi vulpes in desertis, propheta tui Israel erant. Non ascendistis ex adverso, neq; opposuistis murum pro domo Israel: ut staretis in praelio in die Domini. Vident vana, & diuinant mendacium. dicentes. Ait Dominus, cum Dominus non miserit eos; & perseverauerunt confirmare sermonem. Nunquid non visionem cassam vidistis, & diuinationem mendacem locuti estis? Ait Dominus: cū ego non sim locutus. Propterea hac dicit Dominus Deus, quia locuti estis vana, & vidistis mendaciū; ideo ecce ego ad vos, dicit Dominus Deus; & erit manus mea super prophetas qui vident vana, & diuinant mendaciū: in cōcilio populi mei non erunt, & in scriptura domus Israēl non scribentur, nec in terram Israel ingrediētur; & scietis quia ego Dominus Deus.*

Miracula falsa patrant. Tertiū est, quod miracula falsa patrant. Inuidet siquidem Satanās Ecclesiæ Christi donum & gratiam miraculorum verorum, quæ apud nos patrari capite 13. docuimus. Vnde fit vt Diabolus similia, que

que naturali ratione fieri queunt, attentet. De bestia enim secunda, quæ loquebatur sicut draco, loquês D. Ioannes Apoc. 13. 13. Fecit, inquit, signa magna, ut etiam ignem faceret de celo descendere in terram in conspectu hominum. Sed pœna docet falsos fuisse. Ecce ego, inquit Dominus Ierem cap. 23. 32. ad prophetas somniantes mendacium, ait Dominus; qui narrauerunt ea: & seduxerunt populum meum in mendacio suo, & in miraculis suis: cum ego non miserim eos, nec mandassem eis: qui nihil profuerunt populo huic: dicit Dominus. Pœnam verò subiungens D. Iohannes in sua Apocalypsi cap. 19. 20. inquit: Et apprehensa est bestia, & cum ea pseudopropheta: qui fecit signa coram ipso, quibus seduxit eos qui acceperunt charactere[m] bestia, & qui adorauerunt imaginem eius: viui missi sunt hi duo in stagnum ignis ardentis & sulphure. His adiunge nostri temporis falsos prophetas, de quorum ementitis miraculis egimus capite 15.

Quantum est in hoc capite, eos murmuratores esse, querulosos, ut quibus nunquam, nusquam à quoquam satisfieri potest. Hi, inquit D. Iudas ver. 16. sunt murmuratores, querulosi, secundum desideria sua ambulantes, & os eorum loquitur superbiam.

De

De his superiori cap. 3. egimus, vbi deduximus per quos murmura sua acceperint.

Quintum est, esse operarios malos & subdolos: vt enim hortatur D. Paulus Timotheum, & cæteros Ecclesiæ Catholicæ Episcopos & Antistites 2. Timoth. 2. 15. vt omni solitudine curent, se non simulatè, sed reipsa probabiles exhibere Deo operarios inconfusibiles, rectè tractantes verbum veritatis: sic monet Philippenses, vt ab operarijs malis caueant. *Videte*, inquit Philip. 3. 2. *canes; videte malos operarios, videte concisionè.* In quæ verba vide D. Chrysostomum homilia 10. in epist. ad Philippenses. Hi sunt operarij subdoli, transfigurantes se in apostolos Christi, adde etiam in prophetas & Euangelistas, vt capite 9. de Luthero ostendimus. De quorum tum dolo, tum fraude capite 10. egimus, & capite 21. agemus, sicut de improba eorum sententia, qua docet Lutherus nos in omni etiam opere bono peccare, vt similiter ostendimus. Aliter certè edocti sumus à Salvatore Luc. 13. 25. dicente, *Cùm intrauerit paterfamilias, & clauserit ostium, incipietis foris stare, & pulsare ostium, dicentes. Domine aperi nobis: & respondens dicet vobis, nescio vos vnde sitis; tunc incipietis dicere, māducani-*

s. sunt operarij mali & subdoli.

*aucauimus corā te, & bibimus, & in plateis no-
 stris docuisti, & dicet vobis. Nescio vos unde
 sitis: discedite à me omnes operarij iniquitatis.
 Ibi erit fletus & stridor dentium: cum videri-
 ris Abraham, & Isaac & Iacob, & omnes pro-
 phetas in regno Dei, vos autem expelli foras.
 Similia Christus Matth. 7. cum de falsis
 prophetis, lupis rapacibus & eorum fru-
 ctibus disseruit.*

CAPVT XX.

**FALSOS PROPHE-
 TAS**
 esse sine pace, parentibus inobe-
 dientes, pascentes semetipfos,
 personarum acceptores, pieta-
 tis abnegatores, pollutos, pro-
 ditores proficere in peius, pro-
 teruos, puluillorum sub om-
 nium axillis futores &
 factores.

GRaues certè tituli rem grauiorem &
 magis detestandam præ se ferentes.
 Ac primò quidem quis eos pacis ama-
 tores